

元

句章擴逸
冊

約圖抄本

約園抄本

序

光緒五年春予以蕪學興修邑志徧訪邑中故家遺籍
至半浦主友人鄭春橋獲觀其族之先進艾雲先生所
撰句章撫逸一書書每葉十八行行二十字行書中多
硃墨塗乙及補遺者細審之字蹟無他手羸雜蓋先生
於此書隨時手訂而未及告成者也其書已損壞借歸
亟葺理之率首尾完具屬胥錄貳遂用讐校書舊無目
惟每卷首題句章撫逸四字而已今依次編為十卷又
句章土物志一卷編是錄先生傳兩首墓誌銘一首冠
之卷端俾覽者有考焉予讀此書知先生自少壯時已

四明叢書

約園抄本

留意鄉邦故實先生云余嘗求春風遺詩不可得幸五
仲秋寓武林遇鮑氏知不足齋見釋見心所輯澹游集
因借歸 鈔之吾鄉文獻可徵者十之四五不禁狂喜
見卷按先生生於乾隆十二年丁卯至辛丑方三十五
歲其所蓄已如此後又益以二十餘年之力宜乎其書
之博且精也先生所著又有詩集十卷句章詩話十二
卷惜未見予今年亦三十有五於吾鄉文獻未能舉其
一二觀此益增慙悚然適以是遇先生故里獲觀先生
書借歸鈔之亦不禁狂喜云邑後學葉意深



句章撫逸目錄

卷一

名宦

卷二

人物漢至吳越

卷三

人物宋

卷四

人物元

卷五

田明叢書

人物明

卷六

人物列女

卷七

山川附補遺

卷八

古蹟

卷九

辨證

卷十

約園抄本

叢談

句章土物志一卷附

四明叢書

約園抄本

鄭三雲傳

三雲道人姓鄭氏名長字藏衣後慕謝遺塵九題之目乃自號三雲家慈谿鶴浦自其高祖春川遺老與黎洲黃先生交至今稱所居為二老閣曾祖寒村先生起家庶常以詩古文名世子孫世其業門風為一邑冠冕三雲少承家學與其兄弟並馳聲譽序歲丁酉受知韓城相國以拔貢至京師是時余亦公車北上握手鄉鄰相與詩酒馳逐往往高吟大呼視取青紫如拾芥孰意其潦倒一官卒以張文昌之疾歸老江村以歿為可惜也三雲既以貢留京師屢應京兆試不得志久之以四庫

四明叢書

約園抄本

館謄錄議敘得布政司理問候補江南理問職聞江南名勝地多名柳材士三雲雖不得志猶幸以閒官得寄其山水友朋之樂欣然就之乃需次十年不得闕役役常調中奉檄奔走無寧歲益非所好常署蘇松常三郡通判又署揚州同知皆閒曹無所試一攝陽湖令有弟訟其兄結盟者面呈名摺三雲笑曰此汝兄率錢會摺耳立毀其摺而諭以倫紀禍福其兄弟亦感悔為好昆陵人常惜其攝縣之遲而赴任之速也其後押太倉運至通州得目疾歸歸復奉檄送安南降人赴廣西三雲賦詩有我道此行殊不惡七星巖畔有空青之句既歸

自廣西乃借補徐州府經歷遂以目疾告歸里復口年
而卒三雲事親孝撫孤姪有恩平居詩文成集皆藏於
泉祖性父中節其先世皆有傳誌茲不具歲庚午余
歸自江南距三雲之歿 年矣其子耀璜始克葬三雲
於所居之側若干里而求余為傳余不敢以不文辭

鄭氏續人物傳

長字藏衣號三雲廷圭第六弟乾隆丁酉選拔貢生由四庫館校錄官議敘布政司理問分發江蘇歷署蘇松常通判借補徐州府經歷以目疾歸更號芟雲

公少好結納為士望所歸其候補也未嘗用江蘇人一錢一布政使至隨園讀壁止詩贊歎不已遂物色其人而有借補之舉公先護送安南夷人至廣西染文昌之疾未赴任而歸歸而牀頭金盡猶日飲酒賦詩以自豪至老不衰

布政司理問鄭三雲墓誌銘 浦江戴殿泗

君諱長字薇北別字三雲慈谿人高祖秦川諱漢明按察副使鼎革後築閣與黃梨洲先生同隱名二老閣曾祖寒村諱梁康熙戊戌庶常歷官高州刺史祖南谿諱性上承家學講學以格物為主晚遊五嶽自號五嶽遊人父誦齋有子十人君其第六也稟承有自檢身若不及善色養怵怵得父母懽諧兄有小忿君至則立解幼嘗讀書吳門山寺既負笈而歸邑文廟傾圮邀集鄉人議興復煥然一新族有婦守節其姑與壻謀奪之不從遂投詞污婦君為婦詞呈令令即治壻罪婦節

四明叢書

約園抄本

得克年十值選拔之年學使王文端公慎許可既而稔知二老閣後人詩筆淹雅性行慷慨遂以克負戊戌朝考後充四庫館謄錄聞母病束裝歸侍養三年始逝世哀毀骨立服闋抵都議敘布政司理問分發江南方君之寓次京師也跌宕豪邁詩酒無間日時甯波客邸約十餘人論詩以象山倪韭山為魁若張秋暉李承道阮九成周敦彝諸子無會不有詩而淋漓暢達必以君為冠時余得與遊從之勝今追憶之邈然如隔世事矣君既至江蘇十年始得借補徐州府經歷其間歷署蘇松常別駕揚州司馬蘇稱膏沃地君潔清自守非義之

財不受勢要請託亦不顧毘陵有弟冒兄監評訟者訊
得其情訟立釋有弟控兄結盟呈摺者君曰此案通摺
耳訟奚訟者奚為立毀摺為之勸和其省事如此江蘇
為名士會聚之區君詩筒贈答不輟毘陵洪太史亮音
贈句云絕學先傳鄭通德初官已比白江州蓋實錄也
督運蘇太漕糧抵通議敘加三級運道經東省派辦事
宜紀錄一次又奉委護送安南夷目抵廣西冒風雷前
往詩云我道此行殊不惡七星巖畔有空青蓋其時已
患目疾歸而益甚補徐州府經歷力辭以歸有詩云句
章父老差堪對未使人間作孽錢此告歸時作也娶岑

四明叢書

約園抄本

氏繼娶岑氏王氏子一耀璜女四長適余姪家玉孫女
二人生乾隆十二年四月廿二日卒嘉慶十一年五月
二十日壽六十二將以十五年月日葬鶴浦之原所著
有十二古銅鈎齋詩稿十卷句章詩話十卷藏於家
初余家刻九靈山房集時君以二老閣所藏黎洲選抄
本寄余中有案語甚精核使後人知丙午泛海權詞乙
己為避諱之語開卷瞭然始知黎洲氏校勘精審君之
賜甚厚君後人能世以君之學為學庶其有光先德也

銘曰

四明天嶺岫日三雲二老傑閣實啟寒村遺編遠學似

續續紛詩曰心聲銅鉤舊聞從宦江左鉛槧是殷於北
於南萬里勤勤宣勞吏續清潔是珍相我後人觀此寒
原松樹鬱鬱逸人之所

四明叢書

約園抄本

句章撫逸卷一

林叔豹字懿文永嘉人以宣教郎令慈宋高宗駐蹕臨
安召為監察御史結崎亭詩話曰張俊高橋之捷旋卷
甲鼠竄吾鄉人尚夸其功愚矣若慈谿林令君叔豹於
張旣遜之後舉兵逐賊卒正蔣安義之罪而誅之庶乎
可以備鼓吹之一曲以雪屠城之恥作嵎縣子饒歌云
思陵下殿走張俊棄城逃遂教嵎縣子屠毒遍四郊慈
水一令君倡義獨號叱女真聞之懼遠颺棄羣鴟吾笑
夫已氏乘危五馬邀館頭有故居反面弗可朝令君整
旆來不自伏歐刀而待斃杖下以充城闕梟國殤其少

四明叢書

約園抄本

慰白馬鳴飛濤

宋縣尉翁誠之於尉治建無我亭止齋陳傅良寄題詩
曰星月明當戶烏鴛下傍人小亭長獨立通國自相親
置尉緣求盜居官已喪真須知三尺外敲榜亦深仁誠
之能吟咏遊止齋之門其初尉慈也止齋贈詩曰徐劉
文采後鄒魯典型開為母求三釜令人見一斑時平無
事立地僻得官閑好索梅花笑題詩海上山詩律吾將
問心期孰與親明朝當異縣永夜更懷人尚友逢三益
明農識大臣可無相問訊勿道髯毛新按浙學譜永嘉
陳埴門人有樂清翁敏之翁安之兄弟誠之當是樂清

人

宋縣尉梅寬夫字伯夫宣城人咸淳七年進士調尉慈谿德祐初攝縣事率義勇應文文山至常州戰死邑志稱其常師新安滕璘得傳考亭之學文山有還梅尉詩軸詩曰乃翁聖俞君魂辭燦琳瑯吾鄉歐陽子逸韻諸宮商人物雄中原圓圍盛洛陽釀郁追皇風詭恠抑晚唐雲仍四方志生長百戰場憂國杜少陵感興陳子昂我亦青原人君遺明月光掩卷不能和握手談肝腸曹毅字士宏武惠王裔孫廬陵人宋慶元文亭巡檢王深寧嘗為文餞之曰闕里高第冉有用予樊遲為石士

四明叢書

約園抄本

宏為此官文武同方之道也侍講學士張伯淳曰伯淳官慶元士宏在慈谿與之友不敢吏朱雲也以至大三年卒清客居士銘其墓曰襄貶論春秋解經者失之作史者祖之則益失其旨矣宋祚歷三百餘年經國之綱領治迹之盛衰實書以示後其義自見深文巧避多出其子孫而為國諱者掩而益彰沿襲不決何以傳信吾友曹士宏甫深憂之蒐摭遺逸不贅於昔時之議論自成一家其貫串出入年經月緯誅其私心附以旁證莫能逃遁稍徃歲亦嘗以是自任故書燬於火復敢因微言曰帝在房陵豈乾侯之例耶外大夫不書卒書卒者

其是耶士宏撫掌大以愚言為然嘗約吾二人當必任是事嗚呼士宏今往矣以余之識闇志荒不復能有成矣士宏讀書過目即成誦理財養兵禮樂政刑之損益折衷於古經而以通今所宜行者為之準其見於用也不卑於簿領而志足以展用取於友也盡其所長履護以捨短故舉世皆以為賢奉親孝事兄以恭訓諸生端席廣說耳領心會爭踵門受業後卒致顯仕初為郡吏燕為大司農辟以自近歷婺州純孝慶元丈亭廣德陳揚村杭村巡檢後入銓曹復授陳揚村揚村父老咸曰是嘗攝吾里者矣曹君善撫字今年饑必賑我

四明叢書

約園抄本

我何之君所為文若干卷纂言行編曰鈎元凡五十六卷嗚呼人嘗恨位卑齷齪媚上甚則策功利以求進名在罪籍不自悔王公貴人持與奪生殺身死無足稱道較士宏所負所傳得失為何如也戴剡源有送士宏序沈 鄞人元慈谿教諭黃學士增有送教諭詩序曰鄞沈君久遊金華部使者薦其才於宣閫署慈谿縣學都諭其行也金華之鄉先生士友咸為賦詩而屬予序之昔者河南二程子沒門人各遵其所聞各行其所知人自為學至考亭朱子出而集其大成程子之道賴以復明然學術之散未有甚於此也時者永嘉之經制永康

之事功姑置勿論臨川陸氏與朱氏並以性理為學而其為說莫適相通雖鷺湖之會終不能挈而合之也言陸氏之學者以慈谿楊文元公鄞袁正憲公父子為巨擘士生其鄉知有陸氏而已宗正少卿黃公亦慈谿人始以朱子之學倡於其間而務以躬行為本其大意謂陸氏以簡易自高而以支離病朱子是徒見其窮探極討為說之詳似乎支離而不知真修實踐所守之約固未嘗也使宗卿與文元生同時甯不足發鷺湖所未決之餘論乎國朝承平日久治教休明建學立師設科取士悉主朱子之說至是而鄞慈谿之士于朱子

四明叢書

約園抄本

之書莫不家傳人誦之沈君在金華嘗登許先生益之之門而卒業於吳君正傳其所受實朱子之學今去而蒞教事又適在文正宗卿鄉邑夫學術之分合重事也為師儒者所宜盡心焉故予於其行舉以告之乃若山水遊觀之樂交朋離別之思已具於篇什作者之意不待序而可見也

元慈谿令陳麟字文昭瑞安人至正甲午年繼志榜登第嘗受業於寶峰趙氏以傳慈湖之學多政績贊石鳴鶴鄉之界塘來揚大隱墓於南山之下團結義民教之擊射坐作日夜部勒無不精練綱灘惡少年嘯聚為盜

擊之磔屍江上夾塘賊傳舍為近縣害潛引壯士格殺
數人因盡縛之斬以徇自是遠近愚民無一犯法者升
浙東僉都元帥領慈谿縣事如故方國珍軍入慶元公
單騎往謁方陳兵脅之公不屈方將執而歿海或諫而
止乃 岱山岱山海鄉僻陋公為興書院與其里人聚
石為臺講鄉飲酒禮父老見而榮之因名其臺為陳公
臺諸山酋長掠財物輒戒其眾曰勿登此山有陳公在
也後有薦起秘書監丞公度不能行辭不赴公留海上
十載移郡城又三載而版圖內附遂南遊閩中未幾卒
戴九靈贊之曰侯以文儒施政海隅人孰似之曰名曰

四明叢書

約園抄本

杜為母為父侯實以之益於治民去其敗羣餘悉子之
彼或其訛我豈是荷四國倚之一竹強藩十載海山時
竟使之朝嘉乃績好爵屢錫卒莫起之今翁門志謂公
避方氏於岱山者謬節九靈墓誌

文昭善於詩嘗有與釋來復書云鉉書記來獲觀吟稿
及諸閣老詩文啟沃多矣嘗考古今之詩不知幾變自
三百篇之後或淳古淡泊或舒和高暢或浮淫流佚悲
愁鬱埋得其正始者為難集中官買馬等作極有箴規
方思諷誦吟咏以廣所見惜乎遽爾索去也古人以詩
人多貧人蓋人至貧而詩自工耳余之貧至矣而詩不